

詔遣前浙江行省恭知政事安慶詣山  
諭祭

維

洪武十一年歲在戊午正月甲戌朔越二  
十日癸巳

書一

皇帝遣浙江恭政安慶致祭于大真人張正  
常之靈曰繼出世法統仙度人禦災捍患  
機幹萬靈飛符仗劍轉斗移星雷神聽令  
妖魁潛形道光斯著貌正精英何乘鸞之  
去急控法印於上清今遣人祀以牲醴爾  
其有知尚饗

皇明恩命世錄卷之二



皇明恩命世錄卷之三

四十三代大真人張宇初

洪武十三年

授大真人誥

奉

天承運

皇帝制曰朕聞上古之君天下老民從者四  
曰士農工商而始漢至今率民以六加釋  
道焉所以道明者由爾宇初之祖通神善  
幻化能恍惚升入太虛胃廓落之罡風吞

書一

書一

宇宙之浩氣以是利濟群生功著歷代所  
以法傳之又香燈之永蓋為行深願重德  
敷上下精神愈靈前其人既往爾當世嗣  
特遣使詣府命爾為正一嗣教道合無為  
闡祖光範大真人領道教事爾其慎欽

哉

制誥

洪武十三年二月二十八日

之寶

特召入朝勅

皇帝勅諭前真人張正常嗣子宇初昔之能  
名於海內始漢至今所以不泯者蓋為禦  
災捍患之妙功達於君利及於民故有不  
泯者為此也邇聞服制且終當正教中之  
首率徒以修行至一來朕當諭爾爾其不  
貳其心則上下格矣故茲勅諭

勅命

洪武十三年二月二十八日

之寶

賜勉修節以格神明勅

書一

書一

諭正一嗣教大真人張宇初書秘訣真在繼  
傳不息也其運玄元之真而驅萬靈如影  
響則用已之際神以契符訣之妙則繼傳  
不息之道豈不倏哉而感應也歟否若是  
雖善秘書精指訣雖萬千之熟亦何應哉  
且爾祖至今繼世名世者以其禦災捍患  
也爾正幼年當節修節潔精魂思與神通  
有時則當用之際神必爾赴故茲勅諭  
十四年  
封包氏玄君誥

奉

天承運

皇帝制曰人臣有名位者婦以夫榮母因子貴故古今令典也爾正一嗣教真人張字初母包氏篤生賢子克紹玄宗特封清虛

冲素妙善玄君爾惟敬哉以承恩命

制誥

洪武十四年正月二十日

之寶  
十六年

勅召赴京

命建王錄大齋於紫金山

十八年

命醮禱兩於神樂觀

二十三年

特勅重建太上清宮

二十四年六月初一日

禁私出符錄旨

該禮部欽奉

聖旨江西浙江福建等處多有假借張真人

書一

字

名色私出符錄惑民取財令出之後犯則斬首示衆家遷化外欽此八月

頒給龍虎山正一玄壇之印俾鎮護名山閱

防符錄

三十五年

賜緡錢葺太上清宮

永樂元年

命陪祀天壇

四年

命編進道書勅

勅真人張字初前者命爾編修道教書可早

完進來通類刊版故勅

廣運

永樂四年十一月十九日

之寶

五年

命建齋有應獎勅

勅正一嗣教真人張字初

朕惟玄元之教統大道之宗闡闢陰陽幹

運神化混融三界總攝萬靈行其道者非

書字

主

精誠之至曷能感通比者

仁孝皇后崩逝特命爾率諸道衆爰舉薦揚

啟玉籙之齋科宣琅函之秘典百日之內

瑞應駢臻燁五色之慶雲爛九天之瑞靄

青鸞綠統於琳館白鶴飛舞於瑤壇五色

祥光通明徹夜斯皆由爾法承先祖道契

至真探玄牝之微贊虛無之化克遵朕命

以展純誠暨諸道衆修持善行葆練精和

執恪秉虔輔助昭事其中亦有至人道化

高妙出顯入微靈變不測感朕誠心來臨

法會證盟善功朕德薄所未能知者藉茲

衆善是以上玄響答茂集嘉禎觀茲感應

之彰明允想神靈之獲慶超登大梵永遂

逍遙式副朕懷特申嘉獎爾其益懋神功

愈致精一洞明妙化渾合無為弘闡宗風

翼我皇度欽哉故勅

廣運

永樂五年十月十五日

之寶

六年三月奉

聖旨符錄一節止許張真人門下出給欽此

四月

命進太上延禧錄建齋五壇禮成

特命更給驛券還山

命邀請真仙張三伴勅

勅真人張宇初今獲去請張真仙書一通香

一炷真仙到山中爾即投此敬邀一來以

慰朕企佇之誠故勅

廣 運

永樂六年十月初七日

書一

七年

再命尋訪張三伴

說與張真人爾可用心尋訪張三伴老師傳

此數日我心神有特與相遇之意如得見

爾可與之同來須厚加禮遇切勿輕忽故

勅

廣 運

永樂七年八月十三日

之 寶

八年

大駕駐蹕北京

皇太子監國遣行人陳遠

賜祭曰卿風究玄範紹乃祖風守素抱冲

光闡教事祝釐迎綴用效勤勞膺受恩榮

厥有年歲何其一旦遽然長逝聞之悼傷

爰特賜祭惟靈不昧庶其饗之

九年

天衷追悼遣行人蕭榮特加

諭祭曰爾懷清靜順真葆和究洞玄太微之

秘明無極自然之體游神太素秉握道樞

呼吸風霆幹運靈化光揚祖範綱領玄宗

上以陰翊皇度下以濟拔群生方期永贊

於鴻禧何以儵然而羽化爰特遣人賜祭

用示朕懷爾其饗之

皇明恩命世錄卷之四

四十四代大真人張宇清

永樂八年十月

大駕南還

召見

命熙朝天宮

授大真人誥

奉

天承運

皇帝制曰朕惟道教崇清虛之本極功化之

妙上以陰翊皇度下以福被民庶為世所

重有自來矣爾張宇清肇自初祖精于玄

理闡鴻濛之道秘替造化之神功斯以利

濟群生法傳後裔迨爾父兄皆欽承我

太祖高皇帝大恩寵命俾領道教今爾兄既

逝爾當嗣之特命爾為正一嗣教清虛冲

素光祖演道大真人領道教事爾其精白

一心益臻至道闡揚祖範永贊皇禧欽哉

制 誥

永樂八年十一月二十一日